

陣法
拾遺
附錄

三峯集

七

三峯集卷之十三目錄

陣法

拾遺

詩

平昌郡

無題

驪江

表

辛禍請賜諡表

辛禍請承襲表

三才集
本朝辨明誘遼東邊將女直等事表略

箋

恭讓朝薛右軍摠制使箋

記

白巖山淨土寺記佚

跋

本朝勅慰聖旨跋語佚

碑

麗朝積慶園中興碑佚

學者指南圖佚

八陣三十六變圖譜佚

太乙七十二局圖佚

五行陣出奇圖佚

講武圖佚

監司要約佚

三峯集卷之十三

奉化 鄭道傳 著

陣法

總述

治兵以信求勝以奇信不可易戰無常規可握則握
可施則施千變萬化敵莫能知

正陣

動則爲奇靜則爲陣陣則陳列戰則不盡分苦均勞
輪轍無競按兵前守後隊乃進臣道傳按講武之道
有二焉以金鼓旗麾明進退坐作之節所以一衆心

也以槍劍弓矢習擊刺射御之便所以一衆力也衆
心不一無以整部伍衆力不一無以勝敵人故先王
每於四時之隙因田獵以講武事誠非得已也今見
行講武之法詳於金鼓旗麾進退坐作之節未及槍
劍弓矢擊刺射御之習非略之也教之有序也今後
當講武之時先作四表以金鼓旗麾習坐作進退之
節後復結五陣更出迭入槍劍弓矢習擊刺射御之
便講武之道庶乎得矣

結陣什伍之圖

兩人相去之間空地可容三步

五人爲伍兩伍相去之間空地可容一伍

二五爲什稱小牌兩小牌相去之間空地可容一小牌

五什稱中牌兩中牌相去之間空地可容一中牌
十什稱摠牌兩摠牌相去之間空地可容一摠牌
陣用軍一千則每一陣二摠牌自二千至九千以此
推之兩陣相去之間空地可容一陣

陣用軍一萬則每一陣二十摠牌自二萬至九萬以
此推之什伍之法素定則平時相與講習戰之法識
容貌審聲音當戰時晝則相視而相救夜則聞聲而

相救

什伍相去踈密之法素定則左右前後更出迭入揮
刃發矢無所拘礙

五行出陣歌

前衛中軸為守兵按列不動如陵岡後衛居後為正
兵先出致敵勇莫當左翼共右翼為奇兵旁出突擊如
雷霆守兵家計備敗走雖散復合敗不亾接戰以正
勝以奇臨時操縱無常形

旗麾歌

麾色有五旗亦五指揮以麾應以旗中黃後黑前則

赤左青右白各隨空東西南北視麾指舉則軍動伏
止之揮則騎步皆戰鬪或徐或疾將所期將不知此
棄其兵兵不知此亦失時多多益辦非他事細聽金
鼓明旗麾

角警歌

角初五聲乃警衆角後五聲復收兵間以金鼓整部
伍進退之節仔細聽

奇正總讚

曰衡曰翼爲正爲奇受敵制勝各隨其宜何爲守兵
前衡中軸以逸待勞軍有歸宿鬪亂不亂雖絕成行

是謂家計敗不至亡

金鼓旗麾總讚

兩軍相接煙塵漲天呼吸之間機變倍千左右進退紛紛紘紘令之莫及叫之莫聞毫釐或差千里是違何以整之金鼓旗麾進之以鼓退之以金麾指角警萬夫一心善陣不戰善敗不亡陣無常形後賢詳之

論將帥

一賢將

悅禮樂敦詩書明信義有威惠士卒樂附賢能效力

二智將

明利害察成敗臨敵出奇因時制變

三勇將

身先士卒親冒矢石出入敵兵摧堅陷陣

撫士卒五惠

一恤飢寒

親自體察推衣與食

二省勞苦

分其任同其事

三救疾病

親自瞻視以施醫藥

四 矜不成人

歸老幼返孤疾

五 哀死亾

謹埋掩行弔祭

用軍八數

一 聚財

軍需支用

二 論工

造機械

三制器

兵甲堅利旗麾精明

四選士

勇怯智愚

五攷教

號令嚴明賞罰必信

六服習

明旗麾金鼓之節習進退擊刺之度

七知勢

地勢險易主將士拙士卒勇怯師衆多寡

五刀楯之利

穹崇險隘阻阨相接此刀楯之地弓弩二不當一

三用

一步卒

危坂高陵溪谷阻難用步卒

二車

平原廣野草淺地堅用車

三騎

追奔逐北乘虛獵散往返百里用騎

四法

一權謀

以正守以奇勝先計後戰

二形勢

雷動颺舉後發先至離合向背變化無常以輕疾制敵者也

三陰陽

知時日支干孤虛旺相之類望雲變氣之屬

四技巧

習手足便器械積機關以立攻守之勝者也

料敵制勝四計

一不明敵人之攻不能加兵
二不明敵人之積不能約誓
三不明敵人之將不能先軍
四不明敵人之士不能先陣

四擊

一以衆擊寡

二以治擊亂

三以富擊貧

四以教卒鍊士擊敵衆白徒

三料

一料食攻食食存不攻
二料備攻備備存不攻
三料衆攻衆衆存不攻

三釋

一釋實攻虛

二釋堅攻耗

三釋難攻易

五亂

一法令不明

二賞罰不信

三聞鼓不進

四聞金不止

五在陣而囂

四理

一居則有禮動則有威

二進不可當退不可追

三前却如節左右應麾

四雖絕成陣雖散成行

十一必戰

一疾風大寒早興夙遷剖冰濟渡則戰

二盛夏炎熱興役無間風驅飢渴則戰

三務取於遠師久無糧則戰

四士衆怨怒妖祥疑惑上下不能止則戰

五軍須旣竭時多霖霖欲掠無便則戰

六師衆不多土地不利人馬疾瘦則戰

七道遠日暮士卒勞倦飢未及食解甲而食則戰

八將薄吏輕士卒無固則戰

九三軍數驚馬師徒無助則戰

十陣而未定舍而未畢則戰

十一行坂涉險半出半隱則戰

根本之地巢穴所在

三火攻

或山或野依草結營城邑部落人家相接以火攻之

四水攻

壅水決川灌水之類

五守

一敵兵銳則守之

二我援將至則守之

三城堅備具則守之

四欲老敵師則守之

五欲觀敵變則守之

拾遺

詩

平昌郡

輿地勝覽

中原書記今何方古縣蕭條舊山角地到門前客兩
車天低嶺上僅三尺秋深禾穗散沙田歲久松根綠
石壁行路難於蜀道難還家樂勝錦城樂

無題

鄭氏家傳

問水一官清論文千載事唯有古人書手編已就次

驪江

興地勝覽

江山雪月客登樓把酒吟詩作勝遊
水落貢船推不下萬夫疏鑿使君憂

表

辛禍請賜諡表

乙丑五月口麗史辛禍傳下同

賜諡實勸忠之方顯親為致孝之本茲陳危懇庸黷
聰聞竊念臣父先臣頴當聖上之勃興先諸藩而
歸附欽遵正朔謹守封疆不弔昊天奄辭昭代若稽
示終之典敢請節惠之名伏望陛下垂日月之明
廓乾坤之度特頒殊寵以慰貞魂則臣謹當效先臣

之精誠祈一人之壽考

幸福請承襲表

建侯所以綏遠襲爵所以紹先此帝王之常規而人子之至願竊念臣禍爰從弱齒遽喪嚴顏念歲月之云徂撫霜露以增感第以藩宣之難曠茲用呼籲之益勤伏望 陛下大度包荒同仁無外優垂景命被及微躬則臣謹當保民庶於一方祝聖人之萬壽

按公

到南陽謝上表曰使還之日即授臣知製教殿下請承襲俾臣草表文 天子嘉之曰表辭誠切 高皇

帝賜諡制示曰表辭懇切

本朝辨明誘遼東邊將女直等事表略○甲戌國

朝寶鑑攷
事撮要

至若行禮於遼東是亦景仰於上國當使价往來之
際有賓主交接之儀在禮則然於誘何敢其有女直
隸于東寧既自作軍而當差安肯遣人而說誘但遼
東都司起取脫歡不花之時其管下人民或有不卽
隨行者由彼安土非臣勒畱無所供於我邦各自守
其舊業

箋

恭讓朝辭右軍摠制使箋

辛未春○
麗史本傳

臣之得謗難可悉陳請以殿下之所明知者言之殿

下以臣充三軍都統制府右軍摠制使臣面請曰諸將用軍士爲私屬其來尚矣一日革之舊家世族無其役而食其田久矣一日名屬軍籍役加於身臣恐大小歸怨於臣也殿下曰將帥之革憲司言之三軍之設斷自予心卿何與焉保無此謗也臣復曰臣若得謗必達於聰聞則殿下亦知臣無其事而得其謗皆此類也而臣之他謗亦明豈非幸之中者乎臣受命後果有謗之者曰道傳曰自中原而三軍之府遽設此以五軍都督之法而爲之也舊家世族自此皆服賤役矣萬口一談牢不可破戶口成籍堂臣言之

殿下可之其事出於臣在中原之時也刷旨人巫師
之子充樂工典儀寺奉殿下之命而行之者也無籍
冒名之徒怨戶籍之不便於已者曰道傳之所爲也
旨人巫師以此議爲出於臣而詛之革私田之議臣
初以爲皆屬公家厚國用而足兵食祿士夫而廩軍
役俾上下無匱乏之憂臣之志也而志竟不行尋請
殿下免提調官久矣而分田不均之怨皆歸於臣然
此小事也殿下之所明知臣不得辨焉況事之大而
怨之深者雖非臣之所知臣何自而免也臣死於崔
源之遣則內以正先君之終上以不欺於天子矣死

於不肯署名之事則足以明僞辛非玄陵之後矣死
於胡使之却則上以脫君父之惡名下以免一國臣
民與弑之罪矣臣身雖死有不死者存豈非榮乎若
夫陷於讒謗之口則上以遺君父不能保全功臣之
累下以招不能明哲保身之議臣甚懼焉願殿下解
臣見職以保餘生

記

白巖山淨土寺記

佚○按李橋淨土寺雙溪樓記曰三重大國福利君

雲巖澄公清叟因絕磻倫公請命其樓且以三峯鄒氏記相示寺之故詳矣而溪之為溪樓之為樓皆略之而不書蓋難乎命其名矣

跋

本朝

勅慰

聖旨跋語

佚
丁丑

碑

麗朝積慶園中興碑

佚
庚午

學者指南圖

佚

八陣三十六變圖譜

佚

太乙七十二局圖

佚

五行陣出奇圖

佚

講武圖

佚

監司要約

佚

卷十三

三峯集

十三

三峯集卷之十三

三峯集卷之十四目錄

附錄

事實

教告文

諸賢敘述

附祭鄭尚書云敬文二首

三峯集

卷八

四

三峯集卷之十四

附錄

事實

公諱道傳字宗之奉化縣人檢校密直提學云敬之
子少好學遊李穡門與鄭夢周李崇仁李存吾金九
容金齊顏朴安中尹紹宗等相友善講論不輟間見
益廣為文章汪洋渾厚諸公咸推讓之

麗史李傳本
集及李存吾

傳通

恭愍壬壬寅十月登進士第朴實榜下也

按洪文正
彥博柳文

信叔掌試用詩
賦取士多間人

癸卯春調忠州司錄甲辰夏除興校

注簿乙巳轉通禮門祇候

本傳及選舉志通修

丙午正月奔提學公喪卜山月餘未得吉地適大雪

尺許而榮州先墓之域獨無點雪遂安焉人皆異之

十二月又丁禹氏憂廬墓終制

接時士大夫服父母喪即日即除公前後

艱廬墓三年恭讓王教書講究經籍傍及諸子

亦云居父母憂克終聖制

鄭圖

皆能成立

按南方學者如安秘判李按廉成中書金

道存官至參臧獲彊壯悉與弟妹自取老弱

本傳本

氏家傳

王為魯國公主起馬巖影殿工役繁興民皆怨咨公

託周秦得失作遠遊歌以諷之

本集

庚戌夏除成均博士時重營成均館以李穡兼大司成增置生員擇經術之士金九容鄭夢周朴尚衷朴

空中李崇仁

兼教官諸公薦公為博士每日坐明倫

堂分經授業講畢相與論難於是學者全集相與觀

感程朱性理之學始興

本集及李穡傳通修

辛亥七月特授太常博士時

大明龍興王首先歸

附

帝嘉之賜祭服樂器王將親享太廟

按本集時王誅辛晚

親告太廟

命公議禮數樂節公考校鐘律肄習祭儀比及

卒事禮無愆違王甚器之遷禮儀正郎兼成均太常

兩博士仍尚符寶視草詒院掌銓選凡五年

本傳本集通修

甲寅九月王遇弒權臣李仁任議立辛禍公謂許錦

柳伯濡曰勢已成矣難以去之欲請王大妃臨朝計

未遂與伯濡歎曰今日之舉無一个忠臣矣及禍立

不告喪于

大明公與典校令朴尚衷謂仁任曰空

速遣使告哀仁任曰人皆畏憚誰可行者公曰王被

弒而不告喪

帝必疑之如或問罪一國皆受其禍

仁任不從

本傳及李仁任傳通修

十一月明使林密蔡斌等還至開州站護送官金義

間王薨遂殺斌及其子執密奔北元公與鄭夢周等

謂仁任曰先王不幸天使不返不早達朝廷社稷危矣仁任始從之遣崔源告喪且奏殺使之由

辛禍傳及鄭夢

周傳通修

辛禍乙卯除成均司藝藝文應教知製教禍召公等入書筵講大學書至穆穆文王於緝熙敬止問右副代言尹邦彥曰於緝熙敬止何義也邦彥不能對禍曰予嘗謂儒者能通經書今乃爾耶公以仁敬慈孝之說懇懇辨論禍稱善

本傳本集及辛禍傳通修

李仁任等欲復事元與宗親耆老百官連名爲書將至于元中書省公與朴尚衷林樸等力爭以爲先王

既決策事南今不當事北不署名

本傳及朴尚
袁傳通修

北元使來有夾攻

大明之意仁任池翫欲迎之公

與金九容李崇仁權近上書都堂曰若迎此使一國

臣民皆陷亂賊之罪他日何面目見玄陵於地下乎

仁任慶復興却其書不受令公迎元使公詣復興第

曰我當斬使首以來不則縛送于

明復興怒曰如

此則與叛臣金義何異公備陳利害辭頗不遜又白

太后以為不可迎復興益怒與仁任不視事乃流公

會津縣臺省侍從官送至東郊廉興邦遣裴尚度曰

吾已言於侍中怒稍解姑徐待之公方飲酒奮然曰

道傳之言侍中之怒各執所見皆為國也今王有命
豈以公言止乎遂上馬去宰相聞之以為猶不悛欲
遣人杖之會有釋器之亂乃止按釋器忠惠王子護
軍林冲甫等欲奉釋
器潛圖不軌○本傳
及金九容傳通修

十二月著心問天答二篇本集

丁巳七月例徙于鄉又過四年許於京外從所便空

遂結廬于三角山下講學學者多從之按公講書于
三峯齋四方

學者多從之時鄉人之為宰相者惡之撤齋屋公率
諸生往依富平府使鄭義居府之南村宰相王某欲
以其地為別業又撤常以訓後生聞異端為已任固
去齋屋公乃後金甫
城妖民伊金自稱彌勒佛惑眾曰我能致釋迦佛凡

禱祀神祇者食馬牛肉者不以貨財分人者皆死若不信吾言至三月日月皆無光又云吾作用則草發青花木結穀實或一桂再獲又云吾勅遣山川神倭賊可擒也愚民皆信之撤城隍祠事伊金如佛僧粲

英

按粲英師曰

伊金所言皆荒唐無稽其言日月無光

尤為可笑國人何信之如此公曰伊金釋迦其言無異但釋迦遠言他生事人不知其妄伊金近言三月

事虛妄立見耳僧默然起

本傳及權和傳興地勝覽通修

癸亥秋公從我

太祖赴咸州幕時

太祖為東北

面都指揮使見

太祖號令嚴肅卒伍整齊密告曰

美哉此軍何事不可濟 太祖曰何謂也公謬言曰
謂擊倭于東南日營前有老松一株請畱詩松上白
而書之曰蒼茫歲月一株松生長青山幾萬重好在
他年相見否人間俯仰便陳蹤蓋知天命所在而趣
之也

龍飛御
天歌

甲子夏又赴咸州七月以典校副令爲書狀官從聖
節使鄭夢周入朝京師請承襲及謚時國家多釁
帝震怒將兵于我增定歲貢杖流陪臣金庾洪尚載
等于遠州在廷之臣憚莫肯行且我國去南京凡八
千里除候風渤海實九日程此時去 聖節纔六

旬脫候風浹旬則餘日僅五十日公與夢周受命卽行晨夜倍道達于金陵及節日進表帝嘉之始許

朝聘行人獲釋

本集及鄭國隱集通修

乙丑四月使還之日卽授成均祭酒知製敎五月禍遣使請承襲及謚使公草表文表觀帝覽而嘉之

特遣謚冊使張溥周倬等冊禍賜謚制曰表辭懇切

禍專事馳騁不閑禮度國人憂之至是禍使公草儀注仍肄習動止稍中節溥等曰禮儀可觀所見異於所聞人皆喜悅乞外補出守南陽府意有以也多惠政闔境稱之我太祖薦之召拜成均大司成屢獻

計本傳本集及
辛禍傳通修

戊辰六月廢辛禍立其子昌先是公與尹紹宗等嘗
主謂辛氏者為忠謂王氏者為逆之論至是紹宗詣
我太祖軍前獻霍光傳遂廢禍欲擇立王氏曹敏
修謀立昌即仁任姪女謹妃所生也恐諸將違已以
李穡為時名儒欲藉其言密問之穡曰當立前王之
子遂立昌公始與穡等校貳辛昌傳象村
彙言通修
辛昌以公允書延侍讀未幾擢密直副使是時田制
大壞勢家互相兼并一人所耕之田其主或至於七
八而當輸租之時人馬之供億求請抑買之物行脚

之錢漕運之價倍蓰於其租之數毒痛日深民皆怨
咨公深知其弊慨然欲革私田力贊我 太祖盡取
境內之田屬之公家計民授田以復古者田制之正
舊家世族以其不便於已多方沮毀使都堂議利害
侍中李穡以爲不可輕改舊法持其議不從趙浚尹
紹宗附公議鄭夢周依違兩間 太祖竟革之本傳
及趙浚
傳通修

十月公知貢舉知申事權近同知貢舉取進士賜李
致等三十三人及第選舉志

己巳十一月我 太祖與公及判三司事沈德符贊

成事池湧奇鄭夢周政堂文學僕長壽評理成石璘
知門下府事趙浚判慈惠府事朴歲等會興國寺議
曰禍昌本非王氏不可奉宗祧又有天子之命

歲九月門下評理尹承順等因自京師欽奉聖旨
節該高麗君位自王氏被弑絕嗣後雖假王氏以異
姓為之非三韓世守之良謨果有賢智陪臣在當廢
位定君臣之分則雖數十歲不朝亦何患哉

假立眞奉定妃教放昌于江華迎立恭讓王封公奉
化縣忠義君賜輸忠論道佐命功臣號拜三司右使
給田一百結奴婢十口白金五十兩厩馬一匹絲帛
等物上箋謝恩

教文見下○本傳及
恭讓王世家通修

王卽位之夕王壻姜淮季父著入謂王曰諸將相立

殿下者只欲圖免已禍非為王氏也殿下慎勿親信
思所以自保王壻禹成範侍側聞之告其母尹氏尹
氏從兄紹宗聞之以告公及諸功臣遂進言於王曰
殿下甫即位讒言遽入臣等惶懼無已殿下若信讒
言卽罪臣等若以臣等黜僞姓復立王氏為有功於
宗社請罪讒人使上下無間焉王顧左右默然公及
諸功臣俯伏良久而退沈德符傳龍飛
御天歌通修
時有獻大虎者公曰諸道曲獻却之便否則請付有
司以備國用如大虎道路昇舉至數十人且其肉不
登俎豆將安用之王以為然貢獻悉付有司本傳

庚午正月王始開經筵以公及鄭夢周知經筵事與
諸講官分四番進講王謂公曰今欲罷偽朝添設職
按辛禍以添設職賞軍士自奉翊通憲至七八品無數時人有車載斗量之譏其術何由對
曰古之用人之法有四曰文學曰武科曰吏科曰門
蔭以此四科舉之當則用之否則舍之其誰有怨又
問秩高者處之何如對曰昔宋時為散官設大丹館
福源宮或授提調或授提舉今亦效此別置宮城宿
衛府而位密直奉翊者為提調宮城宿衛事三四品
提舉宮城宿衛事然則政得其宜體統嚴矣又問居
外者處之何如對曰在京城者處之如此則在外者

爭來赴衛王室矣然後以秩高下或為提調或為提
舉王從之遂置宮城宿衛府公又言唐用人之法條
目有五一日教養成其才德二曰選舉取其秀出三
曰銓注當其職任四曰考課覈其功過五曰黜陟示
其懲勸條目中又各有條目博學經史通曉律令肄
習射御三者教養之條目也文學才幹武藝門蔭四
者選舉之條目也有德望識量者為相有智略威勇
者為將敢言不諱者為臺諫明察平恕者為刑官通
習籌數者主錢穀巧思精敏者主工匠此六者銓注
之條目也公曰忘私勤其職任為功瘠公肥私曠官

廢職爲過此二者考課之條目也進職秩加俸祿爲陟削官職竄貶爲黜此二者黜陟之條目也本朝用人之法大毀欲教養則師道不明欲選舉則以私蔽公欲銓注則賢愚雜進欲考課則請謁煩盛欲黜陟則賄賂公行五者皆廢何從得人乎近分遣五道黜陟使是不揣其本而齊其末也王深然之令經筵檢討官韓尚敬書其言以進

本傳及恭讓王世家選舉志通修

四月王賜教書于公及諸功臣褒美之賜厩馬一匹

白金五十兩帛絹各五端

恭讓王世家

閏月公及諸功臣上書辭職命視事時臺諫論李穡

曹敏修立昌之罪知申事李行曰臺諫之論安知非
功臣意耶以稽為座主令右代言趙仁沃代署名臺
諫劾行及仁沃王不得已罷之公與諸功臣上書以
為臺諫論列非臣等所知禍昌之黨忌疾與訕請避
位弭謗以保性命皆杜門不視事王命評理裴克廉
署事都堂大提學安宗源左使權仲和等請令就職
王曰卿等其圖之對曰古者一相辭職都堂皆改批
今亦宜改批令出視事王從之公及諸功臣詣闕拜
謝王召入內殿賜酒慰之乃出視事李穡傳
六月除政堂文學如京師賀聖節且辨誣也時坡

平君尹彝中郎將李初訴於中朝曰李侍中立瑤

為主瑤非宗室乃其姻親也瑤與李太祖謀犯上

國公入奏曰尹彝李初誣妄臣不敢先辨虛實乞遣

欽差一官前來究問仍許臣赴京面奏欽奉宣諭

聖旨曰尹彝李初謀亂汝國事朕既不信已曾斷罪

汝國復何虞疑恭讓王世家

金宗衍之獄起鞠其黨李芳春等芳春曰宗衍謂吾

曰李侍中性本慈仁但以鄭夢周趙浚鄭道傳等

所誘令我至此我欲與權格等同謀害之鞠權格格

曰宗衍語予云吾與池湧奇等謀以害李侍中夢

周道傳等何難之有遂捕宗衍瘐死

金宗傳

憲府劾檢討官申元弼矯世子旨王為罷其職既而

怒言者欲罪之公曰元弼乃殿下潛邸舊臣若宥其

罪言者必謂殿下喜怒出於私非初政美事也王怒

稍解拜政堂文學同判都評議使司事兼成均大司

成王命撰積慶園中興碑

按積慶園即恭讓王四親廟

賜衣一襲

厩馬一匹

本傳

辛未正月省五軍為三軍都摠制府以公為右軍摠

制使公辭曰三軍之作臣在中朝憲司所建白臣不

知也然罷元帥為三軍以臣為摠制使則諸帥失職

者必怏怏曰道傳革元帥自為摠制怨刺並興臣又不便弓馬不敢當且革私田改冠服等事皆非臣所為也左右皆目臣臣又冒處是任則讒言日至臣其危乎願更命他人王曰大國三軍古制也中為權臣所廢宰相各稱元帥一民莫非其有今革元帥立三軍此復古之機也摠制寔重任議諸兩侍中以卿為之卿毋辭公曰儻有讒言請勿納永保微臣遂不辭王悅二月與諸摠制閱所摠兵分番宿衛

本傳及恭讓世家通

王自南京還都次檜巖寺以誕辰禮佛飯僧公曰誕

辰飯僧雖非古典但出於臣子則可矣未聞人君自
祈福利不聽王欲營演福寺塔殿令京畿揚廣民輸
木五千株牛盡斃民甚怨之公極言其害尋以病乞
退不允成均生員朴礎等上疏曰兼大司成鄭道傳
發揮天人性命之淵源唱鳴孔孟程朱之道學闢浮
屠百代之誑誘開三韓千古之迷惑斥異端息邪說
明天理而正人心吾東方真儒一人而已是上天授
殿下以皐陶伊傳之佐以興堯舜三代之盛於中興
之日也殿下以道傳闢佛之策為祖宗之罪人歟金
璫奉佛之說為殿下之忠臣歟

按典醫副正金璫上
書請上順聖祖之弘

願重營佛寺加給田以臣等亦未敢知也殿下疑道
興釋教王嘉納其言

傳之正學信金璵之邪說則豈不取笑於天下見譏

於萬世哉

本傳及金子粹傳通修

四月王下教求言公上疏曰殿下卽位以來蒙賞受
刑之人有事同而施異者金佇之言一也有置于極
刑者有加擢用者金宗衍在獄致逃一也其監守官
吏一誅一用其在逃謀亂一也同謀容隱之人或生
或死臣愚不知刑誅而死者爲有罪邪則擢用而生
者獨何幸歟擢用而生者爲無罪邪則刑誅而死者
獨何辜歟禍昌竊我王氏之位實祖宗之罪人而爲

王氏子孫臣庶所共讎也其族姻黨與不加刑誅則
屏諸四裔而後快於人神之心昔武才人以高宗之
后奪其子中宗之位五王舉義退武氏復立中宗武
氏母也中宗子也以母之親奪子之位胡氏尚譏五
王不能斷大義誅其罪而滅其宗况禍昌之於王氏
無武氏之親有武氏之罪則族姻及其黨與奚帝武
氏之宗也諸將回軍議立王氏此上天悔禍祖宗陰
相王氏復興之機也有沮其議卒立子昌使王氏不
復興者按指李楷有謀迎幸禍永絕王氏者按指禹玄寶其爲
亂賊之黨王法所不容也殿下旣全其生置之遠方

可也今皆召還于家慰而安之若以其罪爲誣也其沮王氏而立僞昌者諸將之所共知也親自招服明有辭證其迎辛禍而絕王氏者金佇鄭得厚言之於前李琳李貴生招承於後此而謂之誣也天下安有亂臣賊子之可討者也請以中宗三思之事明之武氏之黨最用事者三思也五王旣立武氏之子爲帝故三思得免其机上之肉則五王不惟有功於中宗於三思亦有天地再造之恩也彼三思曾不是思自疑其罪爲世所不與日夜譖五王曰權重恃功以惑中宗之心中宗以三思愛已而親之以五王爲權重

而忌之卒之五王戮而中宗弑以親則母之姪也以
恩則活其生也不得其力而得其祿讒人之謀馴致
其道至於亾人之身滅人家國以底自敗而後已如
三思者豈有古今之殊也臣等雖遭五王之害無足
恤也爲王氏已成之業惜之也若曰保無此事言之
者妄也彼中宗之心豈不爲保也卒貽後人之笑臣
恐後之笑今猶今之笑古也仍繳辭箋以進不允當
時上書者甚衆而公對爲第一王每稱之然以盡言
不諱忤旨

本傳下同

公以武三思比禹玄寶黨王不悅公

按禹成範玄寶孫也爲王壻故

不悅而玄寶及李穡之黨亦惡公公又上書都堂請
誅穡玄寶曰竊謂刑之大者莫甚於篡逆其沮王氏
而立子昌迎辛禍而絕王氏者篡逆之尤亂賊之魁
也宜當具論罪狀啓于殿下與國人告于太廟數其
罪而討之然後在天之靈慰矣臣民之憤雪矣天地
之經立矣宰相之責塞矣若曰人之罪惡非我所知
也生殺廢置之權人主所司也宰相何與焉則董狐
豈以趙盾不討弑君之賊加惡名乎若曰所謂罪人
有儒宗焉有連婚王室者焉其法有難議者也則昔
林衍廢元王立毋弟湄衍先定其謀而後告侍中李

藏用藏用不知所爲但曰唯唯而已後元王反正以
藏用位居上相不能寢其謀禁其亂廢爲庶人今李
穡之爲儒宗孰與藏用其首倡邪謀沮王氏而立子
昌者孰與藏用但唯林衍之謀而已或曰穡之言曰
禍雖眈子玄陵稱爲已子封江寧大君又受天子
誥命其爲君成矣又旣已爲臣矣而逐之大不可也
此其說不亦是乎則曰王位太祖之位也社稷太祖
之社稷也玄陵固不得而私之也又天子誥命一時
權臣以爲玄陵之子欺而得之也後天子有命曰高
麗君位絕嗣雖假王氏以異姓爲之亦非三韓世守

之良謀又曰果有賢智陪臣定君臣之位則前命之誤天子亦知而申之矣安敢以誥命藉口乎其爲臣之說抑有辨焉綱目前書審食其爲帝太傅周勃陳平爲丞相後書漢大臣等誅子弘迎代王恆卽皇帝位其書曰帝曰丞相者非爲臣之辭乎曰大臣曰誅子弘者非討賊之辭乎不獨此耳武才人稱帝已久狄仁傑薦張柬之爲宰相柬之廢武才人迎立中宗其薦爲宰相者豈非爲臣也廢武才人者亦討其爲賊也百世之人稱周陳安劉張柬之復唐之功未聞罪數公爲臣而廢崔白主也或曰其謀迎幸禍者正

子昌在位之時雖無辛禍之迎王氏安得復興乎其
曰迎辛禍而絕王氏以罪加之之辭也當是時忠臣
義士奉 天子之命議黜異姓以復王氏偽辛之黨
先得禮部咨知 天子之有命忠臣之有議謂子昌
幼弱謀立其父以濟其私此非謀迎辛禍而絕王氏
乎況彼之言曰戊辰年廢立之時斯文有異議所謂
異議者議立王氏也又倡言於衆曰諸將議立王氏
吾父沮之吾父之功大矣此言流聞於禍昌之耳者
深矣使禍昌得志斯文與諸將果得休其首領乎其
自處之薄爲何如也自以立王氏爲異議沮王氏爲

己功今以立僞辛爲異議沮王氏爲重罪不亦可乎
或曰稽與玄寶未嘗弑也比而同之於陳恒州吁不
亦過乎又安知誣其罪而誤蒙也則不有胡氏之說
乎弑君立君宗廟猶未亾也移其宗廟改其國姓是
滅之也豈不重於弑也今黨異姓而廢王氏之宗祀
者實胡氏所謂移其宗廟而滅同姓也其罪亦不止
於弑也又古之大臣人有告其罪者囚服請罪如漢
霍光以武帝顧命大臣擁立昭帝功德至大人有上
書告其罪者不敢入禁中而待罪於外以此觀之苟
有告罪者則當涕泣切請躬對有司辨明其罪然後

其心安焉豈有誘妻子上書假托疾病就醫於外不與明辨乎是則自知其罪辭屈難辨必矣春秋討賊之法雖其蹤跡未著尚探其意而誅之況蹤跡已著如此者乎又上箋辭右軍摠制使箋見拾遺諫官言道傳功在社稷上箋辭職屢日不答待功臣不可如此其薄乃復為政堂文學臺省交章請玄寶罪王以成範故不聽使人於我 太祖請禁臺省論奏 太祖歎曰王曾謂我指揮臺省乎

王忌我 太祖功高得衆心又舊家世族怨革私田多方誣毀禍昌之黨連姻王室朝夕譖訴王信讒言

日夜與左右潛圖除之 太祖困於讒說謂公及南
閭等曰吾與卿等戮力王室而讒言屢騰恐吾輩不
得容吾當東歸以避之先令家人趣裝將行公曰
公之一身宗社生靈之所係豈可輕其去就不如畱
相王室進賢退不肖以振紀綱如此則王庶幾有悟
而讒言自息矣今若退居一隅彼讒者必誣以蓄異
心禍且不測矣 太祖曰昔者子房從赤松子遊高
祖不之罪我心無佗王豈罪我哉相與論議未決都
鎮撫黃希碩因家臣金之景白 夫人康氏曰道傳
閭等勸 公東歸事將非矣不如去此數人 康氏

信之告于 太宗曰道傳閭等皆不可保對曰 公
困於讒說有引去之志道傳閭等力陳利害以止其
行者也乃責之景曰數人與 公同休戚者也汝勿
更言王召公公辭疾不赴遣代言安瑗敦諭乃至王
問稽玄寶罪公對如疏意語若懸河王曰稽罪狀稍
著玄寶罪猶未白公曰稽罪已著宜置極刑以示不
忠若玄寶者罪狀未白故臺諫交章請流遠地臣亦
以為宜使淑慝異處王曰稽玄寶事寢之已久今有
抗疏者必卿疏為之階也卿近不見寡人者亦以此
也公曰君臣之義情同父子譬如父責子不孝而明

日又愛之如初者天理之不掩也。殿下今雖責臣，後若推誠任臣，敢不奮勵。今當農月，天久不雨，殿下召臣面議。天心雨，昔靈霖禾穀不茂，殿下召臣議政事。陰雨霽，殿下以為何如？脫有姦黨矯旨罪臣，臣請面啓。然後伏罪，王不悅。

本傳及龍飛御天歌通修

九月，憲司劾糾正朴子良等不迎執義禹洪，得下獄。鞠之，辭連公出，為平壤府尹。省憲刑曹上疏劾公，陰誘糾正，非毀臺諫，請置極刑。王以功臣宥之，復論公濫居功臣之列，內懷姦惡，外施忠直，染汚國政，請加其罪。王放歸其鄉，奉化縣臺省交章曰：「道傳濫受大。」

爵混淆朝廷請收告身及功臣錄券明正其罪王只

收職牒錄券移配羅州大司憲金湊等上疏論其子

典農正津宗簿副令泳按泳本傳作澹誤廢為庶人

尋量移公于奉化縣按禹玄寶傳曰憲司上書請李

良等相與議議時玄寶子洪得為執義赴衙子良等

不庭迎大司憲金湊劾之下子良等于巡軍鞫之萬

戶柳曼殊曰所司論玄寶等罪密封以前此詣鄭道

知之子良曰聞公上書言事甚切然乎道傳曰然其言

傳弟問曰聞公上書言事甚切然乎道傳曰然其言

書中之事予聞之遂不迎洪得又見道傳問曰近者

省憲刑曹論禍昌彝初之黨具密封以聞見宇道傳

日若等以禍昌彝初之黨為大惡然其事已矣吾所

間止此爾於是杖子良升慶配水軍

省憲上疏劾流公于奉化縣○本傳

壬申春省還滎州時秉國政者忌我太祖威德曰

盛中外歸心又知公及趙浚南閭等有推戴之謀嘗
欲乘機圖之間太祖畋于海州墜馬體甚不平遂
嗾諫官金震陽等曰李太祖舊諱今墜馬病篤宜先剪
羽翼趙浚鄭道傳等然後可圖也震陽等上疏曰鄭
道傳起身賤地竊位堂司織成姜斐之罪連坐衆多
之人趙浚與道傳同心相扇變亂賣弄權勢誘脅諸
人南閭希合浚與道傳之意敢發輕辱不敬之言以
激上意而逞其欲請收浚閭等職牒功券鞫問其罪
明正典刑道傳仍於貶所典刑垂戒後來疏上畱中
不下本傳及鄭夢周金震陽等傳通修

翌日震陽等伏閤更請王召侍中沈德符鄭夢周議
遂依申流浚等遠地公亦在流中而知申事李詹遺
忘不錄震陽等據依申遣人于奉化執公囚于甫州

按甫州今
禮泉郡

大司憲姜淮伯執義鄭熙掌令徐甄等上

疏請公等罪震陽又言古人云去草不去根終當復
生去惡不去根其惡滋長趙浚鄭道傳惡之根也南
閔尹紹宗等養其根而滋蔓者也昨臣等上章請誅
而惟道傳特蒙允許餘止貶外罪同罰異請將浚等
並置極刑王愕然曰我初無誅道傳之語命移流公
于光州臺諫連日交章伏閤廷諍請誅公及浚等王

命先鞠闇等諸人辭連浚道傳然後可並鞠之六月

召還賜米豆百石給其子津派告身復封公忠義君

本傳及金震陽傳通修

七月公及南闇趙浚等協謀推戴我太祖奉傳國

寶詣邸

上遂即位

按趙浚上箋曰日者朕下之腹心乘間騁謀羅織

臣與鄭道傳南闇為

罪辜先行竄逐次圖

怒民離三韓幡然推戴

殿下之腹心乘間騁謀羅織

至於此

殿下欲守子藏之節其可得乎

既定開國

功臣次第論賞封公奮義佐命開國功臣崇祿大夫

門下侍郎贊成事同判都評議使司事判戶曹事兼

判尚瑞司事寶文閣大學士知經筵藝文春秋館事

兼義興親軍衛節制使奉化伯加實封戶立碑紀功
建閣圖形追贈三代嫡長世襲不失其祿有及永世

載諸信書以賜之

本集及國朝
寶鑑稗乘通修

上命都承旨閔汝翼令公撰到

御諱表德投進途

進字說

說見集中
○本集

殿中卿下仲良與兵曹正郎李蒼言曰自古政權兵
權不可兼任一人兵權宜在宗室政權宜在宰輔今
趙浚鄭道傳南閭等既掌兵權又掌政權實為不可
上聞之怒曰此數人皆我股肱之臣終始一心者如
或可疑誰可信者為此言者必有以也命大司憲朴

經同巡軍雜治流仲良于寧海蒼于順天國朝寶鑑下同

公與裴克廉等啓曰王子諸君服御騶從不可不備

用度不可不足乞於本科外加賜土田上從容語

潛邸時事曰本科百餘結亦不至飢寒若又加賜則

人必謂予私己子也况京畿土田有限豈可濫給卿

等若欲加給則先給功臣以例及之乃可

公取周禮司馬蒐狩之法晉魏齊秦按晉文被廬之蒐齊晉之技擊

魏惠之武卒秦昭襄苴李靖諸葛武侯等兵法作五

行陣出奇圖又增損司馬法作講武圖以進上善

之命軍士肄之本集下同

冬以門下侍郎贊成事朝京師謝 聖恩

帝遇之加禮不為防限及還

以宮醢

癸酉七月撰進文德曲夢金尺受寶錄樂誦三篇

中集教曰顧予之德安敢擅其美名然思創業之未

易念守成之尤難當薦之 宗廟奏之朝廷 命賜

內既馬一匹表裏各一段

甲戌六月 上命都承旨韓尚敬取進公所撰經國

典覽而嘉之特賜段子彩絹各三匹厩馬一匹白金

五十兩 按河崙夏詳定名以經濟六典

冬定都漢陽 命公相宅僧無學欲以仁王山作鎮

白嶽木覓爲龍虎公難之曰自古帝王皆南面而治

未聞東向也無學曰不從吾言垂二百年當患吾言

矣竟從公言以高麗肅宗所營基址狹隘遂相其南

亥山爲主壬坐丙向先是新羅僧義相有言曰擇都

漢陽者不信僧言必有鄭姓人出而是非之至是果

驗

五山說林原
村彙言通修

、以本國遣人至遼東賫布帛金銀假以行禮誘邊

將又遣人說誘女直潛渡鴨綠江等事下手詔責之

上命公撰辨明表文以進

表見於遺○國朝實
鑑攷事撮要通修

是歲著心氣理三篇

本集

乙亥正月撰進高麗史先是上命公及鄭摠等修

高麗史因李仁復李穡所撰金鏡錄撰之倣通鑑編
年法而以元王以下事多僭擬稱宗者書王稱節曰
者書生日朕則書予詔則書教陛下太后太子之稱
謚號官號之類多所更改書凡三十七卷至是投進
命賜內厩馬一匹白銀五十兩段子一匹綵絹一匹

本集及國朝寶鑑通修

上以判中樞事李茂曾鎮全羅道有威惠民所敬服
卽命觀察于其道將行公抄錄周漢以來至本朝

監司沿革得失之跡附以先儒所論之說又以善最
作考課之法定其分數使刺舉者有以依據名之曰
監司要約以贈之權陽村集

十月漢陽宮

廟既成

上親祭

太室御正殿宴

公等賜厩馬一匹

本集及權陽村集通修

上命公名新宮諸殿及諸門公撰名並書所撰之意

以進

按撰進後頒賞在丁丑五月

名新宮曰景福燕寢曰康寧東

小寢曰延生西小寢曰慶成燕寢之南殿曰思政其

南正殿與門曰勤政東西二樓曰隆文隆武南曰正

門

按後改光化宮殿及門名疏註見集中

東曰建春西曰迎秋北曰神

武都城八門南崇禮東興仁西敦義北肅清東北弘

化

按後改惠化

東南光熙西南昭德

按後改昭義

西北彰義都

城內外四十九坊亦公所名也

按公在壽進坊不得其終人以爲識蓋進

與盡同音也後改壽重

又製進新都八景詩

詩見集中○本集及國朝寶鑑稗

修乘通

上以庚申夜召公及諸勳臣置酒張樂酒酣上謂

公曰寡人之得至於此卿等之力也相與敬信期至

子孫萬世可也公對曰齊桓公問於鮑叔曰何以治

國鮑叔曰願公無忘在莒時願仲父無忘在檻車時

臣願

殿下無忘墜馬時臣亦無忘鎖項時

按鎖項謂囚繫

時甫州則子孫萬世可期矣 上曰然三歌文德曲目

公曰此卿所撰進卿宜起舞公即起舞 上令脫上

衣以舞賜龜甲裘歡甚徹夜乃罷本集及國朝寶鑑通修

上嘗宴韓山伯李穡間文德武功二曲 教曰歌頌

功德實惟過情每聞此曲予甚愧焉公對曰 殿下

有此心歌所以作也 上歡甚解所御烏犀帶以賜

國朝寶鑑權陽村集通修

公承 命製進賀正表箋表箋佚○接權近陳情箋

改而鄭道傳未嘗同修之故亦辨明之臣所責來宣諭及咨皆不復言道傳赴京事也○國朝寶鑑攷事

要撮

是歲著經濟文鑑

本集下同

丁丑五月撰進

勅慰

聖旨跋語先是

神德王

后昇遐遣使告訃

帝降勅慰諭恩禮曠絕

上命

錄全文勒諸貞珉使公撰進跋語特賜白銀五十兩
內厩馬一匹段子一匹綵絹一匹

是歲著經濟文鑑別集

集國初羣英真蹟公欲傳國初名臣筆蹟使或作詩

文或書古人詩文題曰國初羣英真蹟

權陽村集

十二月以公為東北面都宣撫巡察使

命修治

園陵

德陵安陵

享用盛禮且劃定郡縣地界繕城堡置站

戶許以便宜從事

本集及國朝寶鑑通修

戊寅正月公遣其從事崔兢

按崔兢前掌令

啓事

上以中

樞院副使辛克恭爲都宣慰使以手書賜衣酒于公

書見下○國朝寶鑑下同

以公及花山君權近爲成均館提調集四品以下儒

士講習經史

夏公告病數日著佛氏雜辨十九篇論輪回及五行

醫卜之說尤爲明備

本集

九月恭昭之難公不得其終

接時有南山往伐石鉤無餘之謠南謂閭也鉤

與鄭同音謂公也餘但釋與南間音相似也公與閭果及於難

上王北幸閭公死

驚歎曰殺我元勳

鄭氏家傳

太宗辛卯命追正公及黃居正孫興宗罪廢為庶人
禁錮子孫初中朝太僕少卿祝孟獻之還也李穡子
孫以河崙權近所撰行狀囑孟獻求銘於中國至是
孟獻以國子助教陳璉所撰碑銘授通事送之其文
有恭讓君立用事者忌公不附已劾貶長湍等語諫
院請河崙權近之罪曰碑銘言用事者忌公不附已
指誰而言歟請訊崙崙上書自辨曰忌公者指南閭
鄭道傳而言也如綏殺李種學校殺李崇仁等六七
人之事此豈太祖所知哉上曰崇仁種學之死

予曾不知卽命憲司覈實果教書使孫興宗體覆使
黃居正承公及閭喉殺種學等 上曰興宗居正聽
權臣喉濫殺無辜汚 太祖好生之德當論以重律
政府啓曰種學崇仁皆高麗遺黨道傳等欲衛我社
稷豈有他心功臣趙英茂韓尚敬鄭擢等亦上書
言鄭道傳南閭等喉興宗居正使受杖之人枉致於
死跡雖有罪其情可恕 上曰非爲崇仁種學復讎
也爲天下萬世計也乃命公及興宗居正廢爲庶人
子孫禁錮閭以開國功高勿論

按稗乘雌黃紛紜不
一如李牧隱穢遇害

事見金時讓
言禹洪壽等

逐睡篇金草屋震陽被殺事見申欽彙
枉死事見禹玄寶家傳車雲巖原頰族

誅事見雪冤錄人皆疑公乘機逞憾而黜黜難明唯
李種學李崇仁事見於國乘者以枉殺忠賢罪公則
笑獨舉此兩李由此推之稗乘說亦
難盡從○國朝寶鑑東閣雜記通修

禮曹上元會樂章次第以夢金尺受寶錄為首上

謂代言等曰圖識不足信也今寶錄之說其一曰三

奠三邑應滅三韓人謂三奠為鄭道傳鄭摠鄭熙啓

也熙啓無才德無勲勞是果應時而出乎

國朝寶鑑下同

丁酉上謂史曹判書朴信曰我朝讖書所言木子

走肖之說鄭道傳以為此必好事者之所為然竟從

是書遂上寶錄之曲大臣莫不信之予不之信也

世宗癸卯命柳觀尹淮改修公所定高麗史凡例初

公修史多所更改至是河崙獻議於朝曰鄭道傳所
撰史多沒其實是非出於愛惡善惡謬於舊史宜就
加筆削未就而卒 上命觀等與卞季良離校觀欲
倣朱子綱目編之季良欲仍公所改史官李先齊等
曰官號雖僭皆當時之制稱制稱勅亦不可沒實雖
曰正名分當與春秋郊禘大雩同垂以爲鑑戒何可
更改季良不以爲然准以啓 上曰孔子之春秋朱
子之綱目皆因其實而錄之豈記事之例不容不爾
耶今之秉筆者旣不能窺聖人筆削之旨則但當據
事直書褒貶自見足以傳信於後不必爲前代之君

欲掩其失輕有追改以沒其實也其改宗稱王可從
實錄廟號謚號不沒其實凡例所改以此為準乃命
觀准悉從舊史

公所著詩文凡八編刊行于世而學者指南圖八陣
三十六變圖譜太乙七十二局圖五行陣出奇圖講
武圖監司要約諸書高麗史三十七卷佚不傳經濟
議論採輯程氏易傳五位爻象始乾至萃自萃以下
卷帙殘缺不完

本集

公娶崔陽女封慶淑宅主有二子津麗朝典農正入
我朝錄開國原從勲歷事太宗世宗官至刑

曹判書贈議政府右贊成諡僖節派少尹曾孫文炯

世宗丁卯登第歷舍檢五道觀察使三道節度使吏

戶刑判書世祖朝選清白吏尋拜右議政按政府

檢校諡良敬歷事六朝文炯子叔墀吏曹叅判叔

墀孫元俊奉城尉尚成宗女貞順翁主按恭昭之

保其終然朝家不用收司之律至太宗辛卯坐

於孫興宗黃居正之獄免為庶人禁錮子孫而司寇

津端揆文炯以其子若孫之近相繼登顯於太宗

世宗時無所連累宣其所坐之案客有可恕者而

聖朝延世之典為得念功之義歟此必有所以然而

文獻無徵然孫黃之罪有朦朧啓聞等語議政府請曰朦

得已從之耳遂宥之蓋上於此時察公寬釋其
錮津無礙甄叙文炯亦得赴試也歟○鄭氏世譜

教告文

恭讓王教曰恭愍王不幸無子薨逝賊臣李仁任欲
專政權貪立幼孽詐以辛禍稱王氏立以為主侍中

李

太祖舊諱

奮忠倡義乃與沈德符鄭夢周鄭道傳等上

奉天子明命謀及宗親耆老文武臣僚啓奉恭愍王

定妃之命廢禍昌父子以予於王氏最親俾承祖宗

之統雖予寡德未堪負荷

李

太祖舊諱

等正名興復再

造王室其功實不在太祖開國功臣之下帶礪難忘

壁上圖形父母妻封爵子孫蔭職宥及永世主者施

行洪武二十二年十二月十八日

恭讓王世
家下同

賞功臣告廟文曰湯舉伊尹纘禹舊服太甲克終伊
訓是賴陟相太戊格于上帝太公鷹揚天下宗周而
與周公夾輔王室錫封于齊藏在盟府其孫桓公一
匡尊周湯祀六百周過其歷國祚長久後世莫及者
實由不忘伊呂弼亮之功獲其子孫象賢之忠漢資
三傑而張良為帝者師不使論道聽其辟穀何刀筆
吏乃為相國亦繫于獄信族布反矢中帝身國無其
人再傳中絕劉幾為秦其視商周開國之功阿衡尚
父俾輔後嗣以致至理一何遠哉聖祖報功裴洪申

卜庾崔六公圖形對御與享太廟春秋不忒三十一
傳至恭愍王無子暴薨國祚中絕禍昌親姻心腹爪
牙根據中外除去之難如拔山岳侍中

李

太祖舊諱至

忠奮發首倡興復沈德符鄭夢周池湧奇傑長壽成
石璘趙浚朴歲鄭道傳從而贊之遂除二兇我祖宗
三十一代配天之祀得以復續昔者文非四人無以
造周武有九人乃集大勛今茲興復誠由聖祖陰佑
亦惟

太祖舊諱

等忠誠貫乎日月公正著於三韓大順

而天佑於上大信而人服於下故能使仁任禍昌外
翼之人幡然效順市不易肆人無變色不崇朝而歸

王氏茲詣祖真告功行賞錫邑

太祖封君世襲德

符以下封忠義君皆許承襲俾世其祿圖形于閣勒

功于碑帶礪為誓藏之祖廟願聖祖佑後嗣王與九

人後同心同德敬天畏民上奉宗廟下保生靈共享

天祿以克永世後嗣王不念中興之艱使九人後或

失邑爵聖祖殛之無俾享國非臣私九人實嘉九人

出萬死計委身社稷興復王氏使我祖祀與天無極

賜功臣錄券沈德符青城郡忠義伯田一百五十結

奴婢十五口鄭夢周僕長壽等七人並忠義君各田

一百結奴婢十口其錄券依開國功臣裴玄慶例稱

中興功臣父母妻封爵子孫蔭職直子超三等無直

子甥姪女壻超二等子孫政案皆稱中興功臣某之

幾世孫宥及永世丘史七名俱拜把領十名許初入

仕
洪武二十二年十二月二十九日

封公奉化縣忠義君賜輸忠論道佐命功臣號拜三
司右使教曰卿學通天人識貫古今早捷科第遂躋
臚仕居父母憂克終聖制教誨幼弟俾克樹立臧獲
彊壯悉與弟妹自取老弱孝友之性然也玄陵選置
胄庠仍掌制誥倡鳴濂洛之道排斥異端之說教誨
不倦作成人材一洗我東方詞章之習 聖明龍興
我玄陵先天下奉正朔 天子嘉之賜祭服樂器王
於是躬裸太室卿爲太常協音律定制虔尤爲玄陵
所重玄陵賓天權臣議立享祠卿謂許錦柳伯濡曰

勢已成矣難以去之欲請王大妃臨朝計未遂與伯
濡歎曰今日之舉無一个忠臣矣先是金義偕一帝
使赴遼東聞玄陵計音遽生異圖殺使奔胡卿與鄭
夢周林樸朴尚衷白執政曰先王不幸天使不返不
早達朝廷社稷危矣執政藉口以爲人皆畏難莫敢
欲行卿與夢周等諭崔源入覲遂使東人免罪於
天朝權臣以禍稱玄陵後報于胡欲固其位書成卿
與尚衷樸不肖署名其事遂寢卿之有狄張平勃興
復之忠於此可見旣而胡太子遣使稱詔以來書辭
甚逆權臣欲率國人以迎卿乃力言以謂苟爲玄陵

臣子者不可迎此使執政黽勉從之然忤其意被斥
南荒凡歷七年殊無難色非信道篤者疇克如是哉
後金庾洪尚載金九容等入朝皆被拘畱朝聘道絕
卿與夢周入賀 聖節倍日兼行 帝乃嘉之遣還
庾尚載等我國不失事大之禮宗社生靈之永賴惟
卿與夢周之力也及乎東歸將欲大拜乃求外補意
有以也南陽之民感卿惠政至今稱之禍昌父子相
本將繼僭號殄絕我宗祀害虐我烝民神人怨恫者
凡十六載及 天子責異姓爲王而卿與諸大臣定
策以予於神廟正派最親且長俾承宗祀一日之內

克復社稷以延萬世之洪休豐功偉烈求之古今罕
有倫比卿展所蘊行所學革去弊政修黜禮樂真所
謂王佐之才也是用圖形紀功追贈祖考宥及永世
嫡長世襲仍錫土田臧獲銀帛其服休命益勵忠誠

年月上同
○本傳

封鄭夢周忠義君教亦曰迨玄陵賓天之後當金義
奔胡之初有權臣執狐疑之心謂庶官憚駿奔之役
莫肯遣使於上國將欲嫁禍於生靈卿與鄭道傳等
力言以爲邇來變故之相仍盍具事情而申達苟獲
罪於天子難延祚於邦家故有使介之行以明臣

子之分顧東方之寧謐絲卿輩之謨猷厥後胡使之
來書辭不順當時郊迓之議大小皆然率李詹伯英
全伯之徒極陳不可忤仁任池齋之輩未得見容由
小邦覲聘之緩致天朝譴責之嚴國步危疑人心
洶懼跋履山川親瞻天日始通王覲之途終減歲貢
之額惟自昔罔愆事大之禮肆至今克有保民之休

年月上同。

鄭夢周傳

本朝封公奉化縣開國伯教書

佚

教奮義佐命開國功臣崇祿大夫門下侍郎贊成事
同判都評議使司事判戶曹事兼判尚瑞司事實文

閣大學士知經筵藝文春秋館事兼義興親軍衛節
制使世子貳師奉化君鄭道傳 王若曰啓土建邦
必先有其符瑞制禮作樂然後表其功能非有學貫
天人理該古今深得詩歌之體灼知律呂之原則安
見所由以著其述卿天資純粹識度淵微器能可以
涵德性之全經業可以發聖賢之蘊養之有素知之
益精得以存心道德仁義之咸盡達於爲國禮樂刑
政之兼通至於詞賦諷揚迺卿之餘事言辭典雅有
詩之古風所獻樂詞三篇誦其辭無艱澁泥拘之聲
玩其義有優柔沉蘊之旨可擬二南之什而有三歎

之音予惟禮樂之興功業所著苟非和氣被於萬物
惠澤浹於羣生中外又安神人協慶固所讓也疇克
當之如卿所言實有補於治道顧予之德安敢擅其
美名然而聲音寓物迺形制作以時而定思創業之
未易念守成之尤難固因茲而不怠胡可却而勿用
則當薦之 宗廟奏之朝廷被之管絃俾民勿壞鑄
於金石傳世無窮今賜卿以內廐馬一匹表裏各一
段惟志其誠豈貴於物故茲教示想宜知悉洪武二

十六年七月日

本集下同

賜奮義佐命開國功臣崇祿大夫判三司事同判都

評議使司事兼判尚瑞司事修文殿大學士知經筵
藝文春秋館事兼判義興三軍府事世子貳師奉化
伯鄭道傳段絹厯馬白金 教曰自古國家之始必
有一代之典章至今方策之間可稽百王之文物顧
惟制作須賴英雄卿學際天人識通今古智足以達
其道辯足以行其言開國原勲曩超前代經邦重望
澤潤生民非堯舜不陳昔聞其語以社稷爲悅今見
其所進經國典騁周情孔思而作爲文章與伊訓
說命而相爲表裏大則六典有序小則庶事悉完綱
舉目張展也爲邦之要辭嚴義正藹然愛君之誠于

以黼黻王猷于以笙鏞治化大經大法罔非惟爾之
能嘉謀嘉猷必曰我后之德匪直遺寡人鴻休之譽
亦將詒後孫燕翼之謀曷不玩於尋常置于左右施
諸政事庶不負於斯言藏之金縢願相傳於永世今
賜卿段子三匹綵絹三匹內厩馬一匹白銀五十兩
至可領也故茲教示想宜知悉洪武二十七年六月
日

教奮義佐命開國功臣崇祿大夫判三司事同判都
評議使司事兼判尚瑞司事修文殿大學士知經筵
藝文春秋館事判義興三軍府事世子貳師奉化伯

鄭道傳 王若曰省所上高麗國史三十七卷事具
悉蓋聞王者代德而有國必命文臣修史以成書非
惟備一代之典章抑亦垂萬世之勸戒若稽王氏之
世襲稱高麗之名能合三韓以爲一統歷世之久將
五百年傳世之多踰三十代興衰治亂之迹善惡得
失之端記錄悉繁殘缺亦甚苟非付於良史焉能得
其全書惟卿學窮經史之文識貫古今之變議論之
正皆本乎聖賢之言臧否之明必辨其忠邪之趣佐
我開國有厥成功嘉猷可以補政教之施雄筆可以
托制作之任溫溫儒者之氣象巍巍大臣之風儀肆

予當卽位之初知卿有適用之學俾居輔相之列又兼國史之官果能於變理之餘得遂其編摩之效表年以首其事因略以致其詳有變有常去就悉關於大體或褒或貶是非不謬於曩賢事該其本末而不至於繁文貴乎簡質而不至於俚不待游夏之贊辭有班馬之風披閱以還嘉歎無已宜致匪頒之寵以旌撰錄之勤於戲虞夏作堯典之文旣已施其直筆殷鑑在夏后之世所當戒於前車今賜卿內厩馬一匹白銀五十兩段子一匹綵綃一匹至可領也故茲教示想宜知悉洪武二十八年正月日

教奮義佐命開國功臣特進輔國崇祿大夫奉化伯
兼判尚瑞司事修文殿大學士知經筵藝文春秋館
事兼判義興三軍府事世子貳師鄭道傳 王若曰
省卿所上 勅慰 聖旨跋語及景福宮名殿名門
名并其疏註事具悉卿學窮經史識貫古今雅量雄
文稟自天然之性宏才碩德蔚爲儒者之宗幸千載
之遭逢決大策以開國展布所學克著殊勲近因中
宮遷逝之故特蒙 天子勅慰之書恩禮之厚曠古
所無斯實繇卿贊襄之力以致之也欽錄全文勒諸
貞珉置之瑩旁以耀後世爰命卿跋其後其文詞典

雅議論懇至誠能對揚天子之休命觀覽之際感動于中嘗以宗社之計欲遷都市于茲卿迺先來相宅克定規畫及其經營告成命建宮殿之號於是美其名稱疏其訓義以述頌禱之辭且寓規戒之意俾予一人宅中圖治居安思危以基命於無疆非獨一時之榮觀實爲萬世之彝訓觀省以來嘉歎無已宜將匪頒之寵以彰歸美之意於戲立言垂示用發揮於文章崇德報功期匹休於家國今賜卿白銀五十兩內厩馬一匹段子一匹綵絹一匹至可領也故茲教示想宜知悉洪武三十年五月日

本集下同

教奮義佐命開國功臣特進輔國崇祿大夫奉化伯
兼判尚瑞司事修文殿大學士知經筵藝文春秋館
事兼判義興三軍府事世子貳師鄭道傳 王若曰
予以否德承 祖宗積累之德奄有東方六年于茲
報本之誠實切于衷是用稽諸古典追 王四代首
建寢廟塋域之封悉皆除治享祀以時惟 德陵
安陵邈在孔州道里遼遠奉祀之誠有所未盡每思
修治以時享祀以禮因循至今良用歉然卿學通古
今才兼文武一代典章由卿制作今命卿爲東北面
都官撫巡察使卿其往也凡所以奉安 園陵者悉

從盛典舉行無遺繕完城堡以安居民量置站戶以
便往來區畫州郡之境以杜紛爭之端整齊軍民之
號以定尊卑之等自端州盡孔州之境皆隸察理安
撫使治內其戶口額數軍官才品具悉以聞所有便
民條畫從宜舉行於戲奉先思孝人子之誠受命惟
勤人臣之職往哉惟敬體予至懷故茲教示想宜知
悉洪武三十年十二月日

賜東北面都宣撫巡察使鄭道傳書曰三峯行次開
拆相別日久思想殊深欲遣辛中樞往問行役崔兢
適來備知動止稍自慰解茲將襦衣一領以備風露

領納爲幸李叅贊李節制使處俱寄襦衣各一領幸
說與眷戀之意餘在辛中樞春寒若時自保以旣邊
功不具洪武三十一年正月日 松軒居士書

按着圖書

折簡也李叅贊李節制使乃副三峯以行者

諸賢敘述

鄭三峯錦南雜題序

丙辰

連城之壁不常出於崑岡千里之足不恒產於冀野
賦天之性以生者莫貴乎爲人而忠信材德之質爲
尤難也況在荒服之遠乎三峯鄭先生予同年友也
越至正壬寅冬吾洪文正公主棘園試選士精先生

中之時先生年富氣銳爲文章敏以奇故時輩目異之知其不小成而止也後居親喪三年于鄉杜門論討經籍出入諸子辨析異端遠而天地河岳切而爲性命義理明焉而日月幽焉而鬼神與夫人倫日用之常皇王世道之變以至法令制度之損益禮樂刑政之得失靡不研精覃思洞達其理時惟我先王旁求儒雅以闡文理又於郊廟禋祀禮樂之典尤致意焉而難其人謂先生其文學之博可以明倫理育人才其器識之明又足以知禮樂之本而和神人故於是授成均太常二博士以至於爲司藝其任用之專

亦榮矣哉去年夏先生以忠直言國家事見忤於執政者流於湖之南予于時屢造其室焉先生賃一室左右圖書備寒暑以一裘葛朝夕而疏食談聖賢仁義道德之說以明天理人欲之辨南方學者多從之遊講論之暇自著詩若干篇編爲成帙以見其志而目之曰錦南雜題其文辭無愧乎古人而其短長句章亦臻雅野一本之態集衆家之長而成一家言無一毫憂憤擯黜之語而獨其忠信道義之發沛然溢乎言語間豈非眞知輕重大丈夫哉大抵得之則喜失之則感人之常也先生則不然其所以見黜

者莫非忠信之故而其所以自處者無非義理之安
浮雲富貴土芥功名等視乎山林朝市一節乎死生
窮達若將朝聞夕死捨生取義之爲者非信道篤而
自知剛者其能之乎傳所謂不見是而無悶其先生
之謂與吁吾東方壤地荒遠而山水之美甲天下氣
鍾岳降文武英材代不乏人抑不知今天之生先生
也將使文章鳴于時耶道學傳于人耶抑將以高風
峻節矯頽世勵薄俗也耶是三者皆可尚已予以不
工語強綴其篇端者獨愛夫忠信材德之產吾土也
而俾後君子之尚友者知先生之爲人焉耳同年友

機張李暉仲有題

贈三峯

鄭夢周

輔國匡時術已疎自嗟童習白紛如三峯隱者誰能
似不變平生立志初

又 癸亥秋

鄭生東去路悠悠鐵嶺關高盡角秋入幕賓中誰第
一月明人倚庾公樓

鄭宗之詩文錄跋 甲子秋

三峯道者鄭宗之立志甚高其於學也講明則同圃
隱著述則同陶隱微言之析古調之賡一時巨擘皆

縮手袖間而不敢爭予觀此錄果然然此不足論吾
宗之其居官也必盡其所當爲其遇事也不知其有
所避古之君子如吾宗之蓋鮮況今之人乎予所慕
也予所慕也一朝以所作詩文來請跋其尾予病且
懶未卽塞責久矣今之奉表江南也將攜以行予略
書宗之爲人以告不知宗之者焉有文章有節義中
原士大夫其敢少吾宗之乎洪武甲子秋七月韓山
牧隱李稽跋

又

三齋鄭君宗之以聰明之資遵道尙德士林咸慕焉

當論道攘斥異端高視特立無所屈撓其著述則冷
然粹然從容於性理之中噫有德者必有言吾於宗
之見之矣東臯權仲和題

按權仲和麗朝贊
成本朝醴泉伯

鄭三峯詩文序

洪武十八年秋九月僕奉 旨使高麗國畱客館旬
月得與成均司成鄭宗之論接宗之以淳篤之資博
問之學早登科第歷仕其國卓冠羣英國王嘉其行
授領成均爲學者師宗之自初仕至成均累歲所作
詩辭若文積爲卷凡若干篇首持以見示披閱數過
詩爲七言者清新瀏亮五言沉着簡古命意立言傑

出時輩其爲文尤見其博於學問議論弘達非苟作者之所企及雖然宗之今之詩若文多爲本國一人一事而發吾尚期宗之上朝天庭觀風雲際會之盛識江山海宇之廣接衣冠文物之威儀見城郭兵甲之富庶觀制禮作樂之大典則宗之之襟度學問識趣超越乎今之器局上可以歌揚皇風聖澤於無窮下可以訓國之後秀攷古論今忠君事親以盡用夏變夷之化吾宗之之文章當傳諸竹帛垂百世而不泯也豈特以一辭一章膾炙於一時之口語哉惟宗之其勉旃豫章周倬識

題鄭三峯金陵紀行詩文跋 乙丑

三峯鄭宗之朝金陵紀行詩文一帙錫命使張周二
詩爲首尾攜以示老夫讀之琅然鋪張 聖天子仁
文義武小邦志享禮朝如視掌其酬唱題詠又皆高
古簡潔足以慰老夫閉門臥遊之孤陋三峯志尹志
志在天下文章直其小才耳非所以論三峯也曉日
出海赤直照孤島中夫子一片心正與此日同此雖
論橫乃所以自道也老夫之見如此宗之以爲如何
李穡跋

題三峯詩集 丁卯

張溥

斯道在方策初無古今殊人才自天降寧以遠近拘
况遭聖神世文德日誕敷鄭君三韓秀掇科冠羣
儒遇我旅瑣中投我明月珠出使記往歲奉表朝天
都皇上御宸極仗入千官趨綴班鸛鷺遙錫宴冠
帶俱宮花簪繡遙御酒霑金壺恩榮何以報高歌頌
唐虞東歸典黌序三年任師模躬行勗羣英尚應明
時需

跋鄭宗之文藁後

戊辰

三韓鄭宗之氏由進士起家仕其國爲胄子師以文
學爲職業其友李公子安之朝正也攜其所著文若

千篇俾予識之予聞五方之民言語不通嗜欲不同而秉彝好德之懿則無不同者然歷古以來聖賢道統之傳迄今千數百載原於洙泗而闢於濂洛遺經載籍之所存中國之士世守之所以敘天常植人紀而五方之所取則者莫不本諸遺經而以立言名家者又莫非中國之所產也然寄象覈譯之俗苟非漸被聲教夙慕華風而知所取則焉求其問學之無疵文辭之合作蓋亦鮮矣惟三韓之國有箕子之遺教而洪範九疇之說載諸遺經者莫不世傳之是以問學文辭之源委端緒與中國殆無以異殊非他方所

可儷也觀於宗之之論著一本乎理而無所偏蔽夫
豈易得哉他日宗之觀光上國而獲晤言於邂逅之
頃尚相與受僕而淡論之侔來辱遠教清貺感荷何
言從審台候均介時社曷勝慰浣不肖粗守苟安毋
足齒及所需宗之文藁跋語依命錄去第恐貽笑作
者耳姑此奉復惟鑒諒不謹九月望日遜志載拜按
志姓高官侍郎河南府徐州人居上莊圃隱陶隱二國相先生閣下
後素按後素疑高遜志自號

題鄭三峯江之水詞後 癸酉

昔李太白於采石江披錦袍坐舟中飲酒賦詩天下

後世之人傳誦其事以爲有僊風道氣焉蓋太白當
流離竄逐之際不勝其憔悴無聊之志姑託詩酒以
自遣耳而人之仰慕如此惟吾三峯先生以開國功
臣之首位一品今茲奉使金陵也天子加禮焉其
還也殿下遣重臣勞以宮醞岳牧州郡瞻望餘光
奔走下風惟恐或後其意氣之所加可謂大丈夫得
志當世者也先生則歉然常若布衣時略無一毫驕
蹇之色其舟中觴詠覽物興懷俯仰舒暢悠然自得
第不知富貴爲何物而惟善名之畱於後是勉焉後
之讀是詞者其仰慕之意豈不亦猶今之視昔乎漢

山趙君啓跋

按君啓
仁沃字

監司要約跋 乙亥

監司之設尚矣宣上德而達下情懲豪猾而惠困窮
一言而人以勸一言而人以警其任顧不重歟然古
者秩卑今則擇兩府之賢而有才望者爲之位與權
俱重矣位重則人益敬之權重則人益畏之以一人
之身而居衆人所敬畏之地必其德行施設有以服
乎衆人之心而後可也爲監司者可不自重歟今我
殿下以判中樞事李公茂曾鎮全羅有威惠民所敬
服卽命觀察于其道將行三峯鄭相國抄錄周漢

以來至 本朝監司沿革得失之跡附以先儒所論之說又以善最作考課之法定其分數使刺舉者有以依據名之曰監司要略以贈之約而盡詳而切爲監司者所當服膺者也其定分數先其德而後其才者德爲本而才爲末也長於德而短於才者猶不失爲善人優於才而劣於德則亦不免爲酷吏今之課者率先才而後德故凡爲吏者多不以惠民爲念而惟事功是急民不見德而受其病由監司者課之失其倫也故相國特舉而表之以明其先後之序此又爲監司者所當先知者也至其所謂不可過爲寬厚

者以其施於州縣之吏者言之爾若夫民則徵斂之
苛而割其心差役之煩而弊其力爲病極矣務以寬
厚撫之猶患其苦况敢忍以嚴峻加之哉是亦不可
以不言也故并及之洪武二十八年乙亥九月日陽
村權近跋

上三峯詩

并序

權近

恭惟我 殿下受命開國定都漢陽以乙
亥冬十月乙未親祭 大室受羣臣朝肆
宥境內越三日丁酉 上御正殿賜門下
左政丞臣趙浚右政丞臣金士衡判三司

事臣鄭道傳等內殿馬各一匹下逮諸
事賜爵有差乃宴羣臣于殿內羣臣上壽
皆呼千歲樂部奏文德武功之曲上心
懽愉謂判三司事曰每聞此曲予懋乃德
卽解所御烏犀帶以賜於戲明良相遇治
定功成大禮旣舉慶賞斯行猗歟休哉真
千載一盛際也不勝歆歎謹裁長句四韻
詩一篇奉呈云云

聖君開國應千齡佐命勲臣間世英 四室祀嚴彰
孝敬九功歌奏象文明殿分駿馬承殊錫帶賜通犀

荷異榮何幸小生觀盛美裁詩陳賀不勝情

題國初羣英真蹟

按本註曰三峯欲傳國初人親筆使或作詩文或

將古人詩文書之名曰國初羣英真蹟

權近

師友三峯數十年早欽譽望出羣賢功夫縝密常持
守義理精微已貫穿氣若吐虹衝北斗手能扶日上
中天廟堂不變書生志經術還兼節制權待士洪恩
雙白壁傳家清德一青氈談謀決勝於千里廣度包
容則百川垂訓要明斯道正能言力闢異端偏竹堂
自幸嘗聯步棘院多慚得比肩交匪翟公貧富變榮
如郭氏始終全索書不鄙家雞陋為寫新詩愧斐然

自註三峯相國命索拙書寫此以獻往年予爲三
峯先生作鶴歌蒙韓孟雲先生可之今并書以獻

義興三軍府舍人所廳壁記略 丁丑

權近

謹按周制大司徒之職以六德六行六藝教萬民而
賓興之凡士之有善鄉先論其秀者而升諸司徒司
徒又論其秀而升諸學大樂正又論其秀而升諸司
馬曰進士司馬論進士之賢者獻其書于王王再拜
受之登于天府辨官論材論定然後爵之位定然後
祿之擇士取材如此之詳又宮伯掌王宮之士庶凡
在版者士謂嫡子庶謂支庶非王族則功臣之世賢

者之類莫不咸在教之道藝以充宮庭之衛陪僕執
御無非正人今大小臣僚子弟之少也各學於其學
稍長而可仕也又升於三軍府今三軍府卽古司馬
之職也教以道藝且充宿衛各論其材而後爵之則
賢材無沉抑之患仕進塞僥倖之路無非周官之遺
意也恭惟我 殿下以英文神武之資創業垂統而
判府事奉化伯鄭公道傳以仁厚之德高明之學實
贊襄之以興一代之典凡所設施必本於周官法度
立國規模宏大且遠舉此可觸其餘矣鄭公命予誌
所壁以昭 殿下求賢之意作人之德於無窮近不

敢以鄙拙辭略敘今日之合於周官之意者以爲記

三峯集跋

家君作詩文率不起草口占而使人書之書者或不能及既又自以不滿其意而不收其藁是以著述雖多存者無幾津當侍側時則得錄之或幸爲人所藏不逸者有之今所刊詩文若干卷是也觀者因其所存而識其議論製作之體則其他亦可以此而推之矣洪武三十年九月日男資憲大夫領原州牧使事兼管內勸農管學兵馬節制使津謹跋

論臺諫職任啓本略

丁亥間

權近

禮曹叅議卞季良等敬奉 王旨令與臣近同考宋

制臺諫職任事目條列投進以聞者臣竊惟臺諫人

主之耳目選授除罷皆不可以不重嘗在國初臣奉

化伯鄭道傳編修經濟文鑑其於臺諫之任歷代沿

革先儒格言靡不具載臣在當時同加校正其言臺

諫職任之重無餘蘊矣今承 上命更考文鑑所未

嘗載宋制沿革及宋朝臺諫賢臣言行事迹一二條

件叅考繕寫仍將經濟文鑑一表投進清燕之暇時

賜一覽庶幾有補於從諫之美德

按此啓在於太宗丁亥間而稱奉

化伯鄭某戊寅後八之爵秩自亦明矣

重刊三峯集跋丁未

三峯詩文集經濟文鑑經國典佛氏辨說心氣理三
篇我曾祖奉化伯公所著也公高麗壬寅科進士少
有大志力學自強早遊牧隱李先生之門一時豪傑
如園隱鄭先生陶隱李先生桐軒尹先生貞齋朴先
生浩亭河先生陽村權先生惕若齋金先生師友講
論所聞益廣所見益正發而爲言語文章者汪洋渾
厚博大奇偉有古作者之風諸先生咸推讓之麗運
旣衰天命有歸推戴我太祖翊運開國經綸贊襄
立經陳紀制禮作樂皆出公之手經國典乃其大略

也如詩文雜著特緒餘耳若夫佛氏辨說心氣理則發揮性情擯斥虛誕以明吾道異端之偏正真聖門之藩籬而其有功於名教大矣經濟文鑑則上自唐虞下至宋元逮及高麗編列其相業君道之得失可法可戒者又採聖賢之格言以附其後實可謂爲君爲臣之龜鑑而有關於治道者至矣非如諸家集只詩文工拙之如何耳諸篇舊有板本散落不完文炯去甲申冬濫蒙世祖大王恩遇特受慶尚道觀察使袞集諸篇爲一帙刊于安東府廩後數十餘年間宦遊京外或採於州郡之樓題或得於僚友之所藏

次安邊樓韻以下詩賦百餘首暨經濟文鑑別集欲
刊之者有年而丙午冬又爲江原道監司到界之日
始命工續刊百二十餘張合置于安東府嗚呼公有
詩云只消不朽斯文在後日當生姓鄭人其期望後
嗣者重矣不肖幸承家緒偶登科第輪至宰輔固已
踰分然才不能以負荷先志聊壽斯文於將來付此
重望於子孫後世云耳其必有大雅君子有所取捨
於其間者夫成化二十三年丁未春三月下泮曾孫
資憲大夫行江原道觀察使兼兵馬水軍節度使文
炯謹跋

題羅州東樓諭父老書後

金宗直

誰謂宗之夔契倫崎嶇平地竟貼身謾煩父老東門
諭爭似三緘隱會津

附祭鄭尚書云敬文

維歲次庚戌八月朔丁巳越六日壬戌慶尚道都
巡問鎮邊使榮祿大夫知密直司事成原揆謹遣
僚佐左邊指諭前別將金某致奠于先友榮祿大
夫刑部尚書鄭氏之靈伏以長幼不同曾拍肩而
執袂幽明雖隔尚記舊而傷心先生之風後進所
慕才孚於德貌如共心不恃力而行不依形而立

依吾仁今晉楚失其富恃吾德今主公喪其尊立
身揚名真孝子也出類拔萃豈惟民哉幸與伯氏
以同年故視小子其若弟惟公按轡中原之日寔
我分符寧邑之時西海逢采訪之行朔方忝交承
之分不徒遊宦相共醉醒命矣斯人天何不憖濫
爲原帥來鎮南維豈圖先生未醒化枕特令僚佐
略奠菲儀諒我寸誠庶歆一酌嗚呼哀哉伏惟尚
饗

安東大都護府使前奉翊太夫人典法判書洪仲原
祭于先友同登豹榜四十一卷

按洪仲原至順庚
午登第與提學公

故^同祥合杯樂聖葛天之民風^云反覆知音幾人孤
墳宿草一酌傷神^{接提學}
^{兩祭文}
^出
^{洪武庚戌可疑}

三峯集卷之十四

三峯集後序


嘗觀古之英雄豪傑有建功於世者多不能保其終
是或滿損盈虧有以自招亦或關於運數有不能自
脫者然建大功者必享大福苟不及其身必於其後
有施必獲固天道也三峯先生天資磊落魁偉實王
佐之才前朝之季國祚將終東方糜沸民墜塗炭我
太祖問時之艱東征西討芟夷大難先生手搏日轂
廓清區宇以拯我東方億兆蒼生及開國之初凡大
規模皆先生所贊定當時英雄豪傑並起雲從而無
與先生比者雖終有蹉跎功過亦足相掩矣其亦關


於運數如古豪傑之不能脫者歟吾同年慶尚觀察
使鄭君於先生曾孫也嘗痛先生不得終享凡所以
繼先業而蓋前愆無所不用其極今又撰集先生詩
文雜著將繡諸梓馳書命序先生之於詩文固緒餘
耳然其詩之高澹雄偉文之通暢辯博亦可因以窺
其學問曾次之萬一矣况先儒如牧隱園隱陽村諸
公皆所推服乎鄭君早捷科第歷敷雲路今自諫議
出按慶尚諫議卑階慶尚大道君尚鬢青而腰金攬
轡榮亦至矣豈非先生之餘慶將享于君耶天道施
獲之理可驗而國家報勲之意於是可見矣然所

謂繼業蓋愆者將止是而已乎君益勉之先生諱道
傳字宗之君諱文炯字野叟成化元年乙酉孟秋有
日輸忠協策靖難同德佐翼功臣大匡輔國崇祿大
夫領議政府事領藝文春秋館事世子師高靈府院
君申叔舟謹序

Handwritten text, possibly a signature or title, located at the top right of the page.

Handwritten text, possibly a date or page number, located at the bottom right of the page.





卷之五

五

五